



Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| deque eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Decimitertii Et Postremi. Quid orandum petendum sit, quidue honestè &
licitè peti poßit.

[urn:nbn:de:hbz:466:1-46891](#)

expers ordinis, ita neque oratio quoque. Verum de iis, pro quibus
orandum, satis.

*Quid inter orandum petendum sit, quid ueritate
& licet peti posse.*

CAPVT XIII. ET POSTREMVM.

Omnia que honeste petuntur, ad duo capita referri possunt.

Bonum, quod iuste petitur, generatim est bipertitum, absolutè tale, & secundum quid eiustmodi.

Duplicis generis & ordinis malum est, simpliciter nimis & secundum quid.

PORRO autem quid à Deo petendum sit, honeste peti possit, id ex orationis definitione, quam Damascenus assignat, planum euaudit; docet is autem aliud nihil esse orare, quam decentia à Deo petere. Ceterum decentia omnia, quae sub iustam petitionem quavis ratione cadunt, communi quadam ratione ad duo capita referri possunt; puta ad mali depulsionem, & boni adceptionem: siquidem duabus hisce rebus perfecta beatitudo cōtineri videtur. Vbi enim abest omne malum, & adest omne bonum, ibi nulla infelicitas supereft portio.

BONUM autem, quod quidem ad nostrum institutum attinet, est bipertitum. Alterū simpliciter & per se eiusmodi est; alterum secundum quid tale est. Hoc bonum & malum vnum admittit; illud bonum tantum. Ad hoc bonorum genus spectat peccatorum remissio, vita æterna, fides, spes, charitas, ceteræq; virtutes. Ad illud omnia naturalia; siue ea sint interna animæ vel corporis bona, ut sunt agilitas, fortitudo, pulchritudo, ingenij perspicacitas, ciuitatis vel politica prudentia, rerum naturalium vel transnaturalium scientia; siue externa, ut sunt amicitia, diuitia, liberi, Magistratus, dignitates, principatus, principum gratia, & cetera fortunæ bona. Pertinent ad hoc genus quoque supernaturalia per se non sanctificantia, quae alio nomine appellari solent gratiae gratis date, ut est donum linguarum, interpretatio sermonum, gratia sanitatum, donum miraculorum & prophetiarum, aliisque eiusmodi complura. Hæc petere licet, sed non absolute, verum quatenus ad ea sunt utilia, vel necessaria, quæ per se simpliciter sunt bona, quæ proinde absolute petere fas est.

ET quia oppositorum æqua ferè est ratio unaque tractatio, ut duplicis ordinis & rationis est bonum, ita duplicis quoq; generis est malum: Alterum simpliciter, alterum secundum quid est tale; hoc

hoc medium, illud absolutè malum appellare licet. Absolutè malum est malum culpe. Hoc enim secundum se bonum usum habere non potest; quippe quod à summo bono, quod Deus est, simpliciter abducatur, & ad Diabolum æternamque damnationem rectâ adducatur, cuius proinde depulsio absolutè petenda est. Secundum quid malum, est malum pœnae: siue id proueniat ex primogenio vel alio quocunq; peccato, siue infligatur à Deo, siue illo permittente irrogetur à Diabolo, siue vnde cunq; aliunde adueniat. Pertinent hoc quoque cuiuscunque generis tentationes. Et quoniam hoc malum bonum & malum usum recipit (tentationes namq; & cætera vita huius incommoda aliis proficiunt ad mortem, aliis ad vitam) eius depulsionem hæc tenus expetere licet, quatenus saluti expediat. At iam de singulis pauca quædam seorsum.

Quod igitur vitam æternam, fidem, spem, charitatem, aliaq; his cognata absolutè petere liceat, id clare constat, ex oratione Dominica; simpliciter hic enim petimus: *Sanctificetur nomen tuum: adueniat regnum tuum, fiat voluntas tua, &c.* Constat idem rursum ex multis aliis scripturæ locis, legimus hic enim: *Ostende nobis Domine faciem tuam, & salutem erimus. Dirige me in semita recta, plurimaque id genus alia.* Constat tandem ex perpetua Ecclesiæ praxi: Omnipotens, orat illa, sempiterne Deus, da nobis fidei, spei, & charitatis augmentum!, & ut mereamur assequi quod promittis, fac nos amare quod præcipis. Item: Deus virtutum, cuius est totū quod est optimum, insere pectoribus nostris amorem tui nominis: & præsta in nobis religionis augmentū, ut quæ sunt bona nutrias, ac pietatis studio, quæ sunt nutrita, custodias. Mitto alias, sunt enim plures, quæm quæ hoc loco commodè referri queant, aut referri debeant. De absolutè malis par est ratio. Licet enim horum depulsionem æquè absolutè petere, atque absolutè bonorum adepctionem; neque hoc syllus in dubium vocat.

Quod ea rursum, quæ ad præsentem hanc vitam sustentandam necessaria habentur, citra noxam petere liceat, id in iisdem illis fontibus pari claritate lucet. Etenim ut in oratione Dominica legimus: *Fiat voluntas tua, Dimitte nobis debita nostra, &c.* ita in eadem quoque legimus, *panem nostrum quotidianum da nobis hodie.* Rursum ut per scripturas edocti oramus: *Ostende nobis Domine misericordiam tuam, adauge nobis fidem &c.* ita oramus quoque; *vñlui Proverb. 30, tribue*

Matth. 6.

Psal. 79.

Psal. 26.

Psal. 5.

Matth. 6.

Psal. 84.

Luc. 17.

Proverb. 30,

tribue

meo tribue necessaria. Denique ut Ecclesia à D e o petit fidem, spem, charitatem; ita eadem quoque petit pluiam, serenitatem, sanitatem, temporalium abundantiam, pacem, tranquillitatem, &c. Adhac communis Thelogorum sententia ea omnia licet petere, quæ citra peccatum licet desiderare, cùm aliud nihil sit oratio, quam interni desiderij interpres; atqui animæ & corporis comoda, & quæ sunt his annexa, citra peccatum desiderare licet; ergo etiam petere.

D E N I Q V E ea inculpatè desiderare & petere licet, sine quibus ad scopum vel terminum præfixū, hoc est, ad vitam æternam peruenire nemo valet. Ad terminum autem contendimus per viam; at via est præsens hæc vita (quare etiam viatorum appellationem sortimur) porrò autem præsens hæc vita absque cibo & potu cæterisque, quæ horum nominibus continentur, transfigi nullo modo potest. Quamobrem totum illud, citra quod humana vita infirmitas confistere non potest, petere licet; immo unumquemlibet petere oportet, quippe cùm hoc ipsum quoque citra D e i auxilium obtineri non queat. Petuntur hæc tamen non propter se, sed propter aliud: *Quemadmodum, verbi gratia, medicina propter sanitatem, & cætera utilia propter honestum aliquem finem.*

T A N D E M quòd media illa bona & mala, siue ea corporis fuerunt, siue animæ, siue fortunæ, absolutè expetere aut deprecati non conueniat; sed eatenus tantum, quatenus ad salutem est utile, vel necessarium, patet; quia licet horum absentia vel præsentia prodesse queat, potest tamen interdum quoque obesse. Cùm ergo sèpe nobis incertum sit, (*quid enim oremus sicut oportet, nescimus*) profuturane sint an obfutura, consultè Christique exemplo & doctrinæ consentaneè faciemus, si rem totam in D e i voluntatem

Rom. 8. Matth. 26. reiecerimus, cum ipso dicentes: *Veruntamen non mea, sed tua voluntas fiat, vel, vt habemus in oratione Dominica: Fiat voluntas tua, sicut in celo & in terra.* Nam & Paulus liberationem à carnis stimulo & Sathanæ colaphizante urgebat, quæ tamen liberatio saluti illius non expediebat, & filij Zebedæi sessionem ad dexteram & sinistram ambiebant, quæ ex illorum re non erat, eo saltē sensu & modo, quo illi eam petebant. *Quare iustum quoque reprehensionem incurserunt.*

Matth. 6. 2. Cor. 12. Matth. 20. QVAB

Ea omnia à Deo
licet petere, quæ
citra peccatum
licet desiderare.

Ea citra quæ pre-
sens hæc vita cō-
flare non potest,
absolutè petere
licet.

QVAE ha&tenus exposita sunt, ea ostendunt non quarumlibet moralium virtutum vsum à quibusuis promiscuè rectè semper peti. Constat namque, quasdam id genus virtutes esse, quarum actus citra corporis vel fortunæ bona absolutè constare non possunt. Si ergo corporis vel fortunæ bona absolutè petenda non sunt, vt ostensum est paulò antè, neque illæ quoque virtutes secundùm actus exercitium absolutè expetenda erunt, quæ sine illis bonis constare nequeunt. Tales virtutes sunt liberalitas, munificentia, bellica fortitudo, castitas coniugalis, & alia id genus complures. Dixerim nō à quibusuis promiscuè rectè peti absolute; nam si quis actu diues & auarici est, non peccat, si liberalitatis donum absolute petat. Sic quoque intemperans coniugatus non malè facit, si coniugalis castimoniam gratiam absolute à Deo petat. Idem statuatur de reliquis similibus.

SEQVITVR hinc etiam, superflua vel ad quotidianum vitæ vsum non necessaria petere, secundùm se nefas non esse. Nam & licitum est, diuitias habere, & meritorium est, eas in pauperes vel alias pias causas, puta in diuini cultus amplificationem, in capti-vorum redemptionem, in pauperum puellarum dotem, in fidei defensionem, aliisque eiusmodi erogare. Est tamen eiusmodi superuacaneorum petitio, tametsi cōditionata, qualis omnino esse debet, periculosa; notum est enim illud Salomonis: *Mendicitatem & diuitias ne dederis mibi, ne forte saturatus allicias ad negandum, & dicam, ubi est Dominus?* Et illud rursum Prophetæ Regij: *Melius est modicum iusto, super diuitias peccatorum multas.* Et illud tandem CHRISTI: *Facilius est Camelum intrare per foramen acus, quam diuitem in regnum celorum.* Idem diuitias appellat spinas, quod diuitis mentem distrahit, variis curis & cogitationibus animum eiusdem discerpant & quasi conuulnent.

DICIS: CHRISTVS Dominus omnia vitæ necessaria vñtrō iis obuentura promittit, qui regnum cœlorum ex animo quæsiuerint; ergo nullum est operæ premium, temporaria inquirere, aut eorundem causa D E V M interpellare? Responsio est, CHRISTVM temporiorum bonorum inquisitionem aut petitionem non inhibere; inhibere autem nimis anxiam de eiusmodi rebus curam & solitudinem; ait enim: *Nolite solliciti esse dicentes, quid manducabimus, aut quid bibemus, aut quo operiemur?* Hac enim omnia inquirunt g̃etes.

Non omnium
moralium virtu-
tum v̄sus recte
semper petitur,

Proverb. 30.

psal 16.

Matth. 19.
Luc. 18.
Marc. 10.
Matth. 13.
Marc. 14.

Lucæ 8.

March 6.
Christus Dominus temporariū curam aut conquisitionem nō prohibet, prohibet autem curā de iis rebus nimis anxiā.

Scit enim pater vester, quia his omnibus indigetis. Quod autem illorum petitionem aut conquisitionem absolutē non prohibeat, planum est ex ipso literę cōtextu: Siquidem hoc ipso, quod monet, primō querendū esse regnum cōlorum eiusdemque iustitiam, aperit insinuat, secundariō ea quoque petere & conquerirē licere, quod ad iter illud conficiendum, quod ad cōeleste regnum dicit, sunt necessaria; cuiusmodi inter cetera, ut CHRISTVS ipse loco allegato non dissimulat, sunt vīctus & amictus; subdit namque: Scit enim pater vester, quia his omnibus indigetis. Quod si his indigemus; petere ergo inculpatē possimus: Nam quicquid ad hanc vel illam vitam est necessarium, hoc omni iure expetere fas est. Denique iubemur orare; panem nostrum quotidianum da nobis hodie; panis autem quotidiani nomine ea omnia complectitur Dominus, quibus præsens hæc vita sustentatur.

Cur Dominus inhibeat curam de rebus ad vitā sustentaculi necessariis nimis anxiā.

*1. Tim. 6.
Ephes. 5.*

No n prohibet ergo rerum temporalium inquisitionem, sed nimiam de eiusmodi rebus sollicitudinē, & hoc mérito; siquidem nimia illa sollicitudo & anxietas perturbat quietū animi statum, munit certam ad multa vitia & peccata viam. Vix enim à fraudibus, dolis, & aliis iniustitiæ partibus abstinent, qui opibus congregandis tātopere inhiant. Ad hēc cūm motus ad terrena & cōcelia sint planè oppositi: quō terrenorum studium magis intēditur, & cōcelustum desiderium magis remittitur. Deniq; animus terrenis immeritus & à cōcelibus prorsus seuocatus, in omne peccati genus præceps fertur: id quod Apostolus eo ipso clarē indicat, quod auaritiam omnium vitiorum radicem appellat, eandemque idolatriæ nomine designat.

*Citra conditio-
nē nullius mor-
tem optare, aut
desiderare licet.*

*Ex prædictis colligi quoq; potest, quando, quāue ratione aut modo suam vel alterius mortem desiderare vel petere licet. Et-
nim si magna & iusta huius desiderij vel petitionis extant causæ,
vel quæ tales esse videntur, adhibita ea conditione, de qua pando
antē diximus, puta si D E O ita yīsum fuerit, vel si morituri saluti id
expediuerit, citra peccatum, suam vel alterius mortem optare vel
petere licebit. Ea autem conditione seclusa, etiamsi appareat
aliquæ causæ, quæ id petere vel desiderare fas esse aliquatenus per-
suadeant, nequaquam id optare, aut petere fas fuerit. exemplo vno
aut altero id declaro.*

Est

EST quispiam bene sibi conscius, metuit, ne in eo mentis statu diu persistat, non peccat, si cum Paulo prius dissolui cupiat, & esse cum CHRISTO; quā denuo in DEI offensam cadat. Sic audio aliquem plurima damna Ecclesiē vel Reip. inferre, vel quia Tyrannus est, vel quia pertinax & inquietus hæreticus est; peto si nunquam ad sanam mentem est redditurus, sed mala malis peccatāque peccatis semper additur, ut DEVS illum ē medio tollat, ne vel pluribus sceleribus miseram animam suam oneret, vel pluribus quoq; noceat, nihil ea petitione charitati dissentaneum designo.

AB eundem modum cognosco aliquem lubricum peccatisq; assuetum, hoc tamen tempore verē ad DEVUM conuersum, nullum scelus cōmitto, si orauero, vt DEVS prius illum hinc ad se euocet, quām denuo in pristinas fôrdes recidat. Denique quia probabile fit, infantes, qui apud hæreticos vel schismaticos nascuntur & renascuntur, omnino perituros, si apud illos adoleuerint, vitēque finem fecerint, nō pecco, sed saluti illorum consultū cupio, si ante rationis usuram hinc abripi desidero vel peto. Nullo tamē modo, si de DEI voluntate certō non constat, vt communiter de ea constare non solet, ad eorum internacionem consilium dare licet, multò verō minus auxilium. Hoc enim facere aliud nihil esset, quām DEI auctoritatē sibi sumere, & vniuersam Remp. Christianam turbis & insontium cädibus implere.

DENIQV E vt capiti huic totiisque libro finem tandem imponam, nunquam ea desiderare, aut petere licet, quibus bene vti nullus mortalium valet: qualia sunt peccata, vel quae peccatum adiunctum habent. Nunquam proinde petere licet priuatam de inimicis vindictam, ex iniusto bello victoriā, vires ad opprimendum pauperem, vel alios quoquaque insontes, occasionem vel potestatem committendi adulterium, vel aliud quodcumque flagitium. Et vt hæc aliaque similia à DEO petere non licet, ita nefas quoque est, auxilium ad eiusmodi perpetranda ab illo efflagitare. Velle enim vt DEVS cucunque peccato patrocinetur, aliud nihil est, quām velle illum peccati auctorem efficere, quod impium est planissimè.

HAE C ergo de iis, quae inter orandum petere licet, vel non licet breuiter: Nam accurata eius rei tractatio pertinet ad Dominicę orationis explicationem, quam bonis de causis hic attingere

Nō peccant, qui
pri⁹ mori, quām
Deum offendat,
exoptant.

Nullo modo ad
infantis mortē
cooperati licet.

Nunquā ea desi-
derare, aut pete-
re licet, quibus
nemo mortalium
restē vti potest.

Luc^x 6. non lubuit. CHRISTVS Dominus, qui nostri causa totas sape
Luc^x 18. noctes in oratione transegit, semperq; orandum esse docuit, fer-
 uidae orationis, veraque deuotionis & humilitatis spiritum pro-
 sua immensa clementia nobis impertiat. Idemque in omnem
 eternitatem ab omnibus laudetur, pieque & religiosè inuocetur,
 AMEN.

ET SI per CHRISTI gratiam confidam, nihil his libris, quod orthodoxa
 fidei, aut sacris moribus quoquis modo aduersetur, contineri; atamen
 quia homo sum & labi possum, si quid forte eiusmodi vel in hisce, vel in
 aliis quibuscumque libris, tractatibus, aut disputationibus, quas unquam
 edidi, extaret, hoc totum nunc & in omne deinceps eum Romanæ Eccle-
 sia, omniumq; rectius sententium correctioni, censura, atque iudicio.
 to animo submitto. Absit enim à me, ut aliquid obstinate defendam,
 aut prudens in lucem edam, quod Catholicæ fidei, in qua natus, &
 hunc usque diem religiose constanterque educatus sum, quavis via an-
 ratione contraueniat.

Hunc librum de Eleemosyna, Ieiunio, & Ora-
 tione Catholicum & doctum esse censeo,
 adeoque typis dignissimum.

BARTHOLOMÆVS VISCHERV^S
*Theologia Doctor, & eiusdem
 facultatis pro tempore Decanus
 in Academia Ingolstadiana.*